



Broj: 04-40-1-292/24
Sarajevo, 19.10.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 18.10.2024. do 08:30 sati 19.10.2024. godine**

Štab civilne zaštite Kantona Sarajevo (u daljnjem tekstu: Štab) je u skladu sa Odlukom Vlade Federacije Bosne i Hercegovine o proglašenju stanja prirodne nesreće uzrokovane poplavama i klizištima na području Federacije BiH, broj: 1520/2024 od 04.10.2024. godine i Naredbom Federalnog štaba civilne zaštite, broj: 12-04-3-432/24 od 04.10.2024. godine, u toku jučerašnjeg dana na ublažavanju i otklanjanju posljedica od poplava i klizišta na pogođenim područjima Općine Jablanica, naselje Donja Jablanica angažovao službu zaštite i spašavanja Kantona Sarajevo sa teškom mehanizacijom (pet bagera rovokopača i dva velika kamiona) sa posadama.

Štab je dana, 18.10.2024. godine održao nastavak vanredne sjednice na kojoj su bili prisutni predstavnici Općinskog štaba civilne zaštite Stari Grad (načelnik i član) na kojoj su razmatrani zaključci općinskog štaba civilne zaštite Stari Grad, koji se odnose na opasnosti od pojave klizište i izlivanja Bistričkog potoka koje je prouzrokovala gradnja stambeno-poslovnog kompleksa Hillis - Zlatište. Nakon rasprave i usmenog izvještaja o dosadašnjim poduzetim mjerama i aktivnostima od strane predstavnika Općinskog štaba civilne zaštite Stari Grad, dogovorene su mjere i aktivnosti koje trebaju biti poduzete na zaštiti i spašavanju ljudi i materijalnih dobara od strane Općinskog štaba civilne zaštite Stari Grad (proglašenje stanja prirodne nesreće uzrokovano klizištem, izrada i usvajanja plana evakuacije ugroženog stanovništva i druge neophodne mjere), kako bi Štab u skladu sa propisanim procedurama i svojim nadležnostima poduzeo neophodne mjere i aktivnosti na zaštiti i spašavanju ljudi i materijalnih dobara na ugroženom području.

Štab je dana, 18.10.2024. godine održao telefonsku sjednicu na kojoj je na osnovu Naredbe Federalnog štaba civilne zaštite, broj: 12-04-3-432-31-1/24 od 18.10.2024. godine, donio slijedeće naredbe:

- naredbu kojom se stavlja van snage naredba Štaba, kojom je naređeno službama zaštite i spašavanja Kantona Sarajevo, formiranim u KJP Sarajevo šume, KJKP Park i „Bosman“ d.o.o. da se sa raspoloživim sredstvima i opremom za spašavanje ljudi i materijalnih dobara upute na područja zahvaćena poplavama i klizištima (Konjic, Jablanica, Prozor-Rama, Fojnica, Vareš, Kreševo, Kiseljak i druge), prema prioritetima koje odredi Federalna uprava civilne zaštite,
- naredbu kojom se stavlja van snage naredba Štaba, kojom je naređeno KJKP „RAD“ d.o.o. Sarajevo da stavi na raspolaganje raspoložive snage, sredstva i opremu Štabu, koje će se koristiti na područje zahvaćeno poplavama u Općini Kreševo;
- naredbu kojom se stavlja van snage naredba Štaba, kojom je naređeno Kantonalnoj upravi civilne zaštite Kantona Sarajevo da stavi na raspolaganje 30 isušivača i 50 vreća za umrla lica, kao i druga raspoloživa sredstva i opremu za spašavanje ljudi i materijalnih dobara Štabu civilne zaštite Kantona Sarajevo, koji će se na osnovu iskazane potrebe nadležnih štabova civilne zaštite koristiti na područjima pogođenim poplavama i klizištima Hercegovačko-neretvanskog kantona i Srednjobosanskog kantona;
- naredbu kojom se stavlja van snage naredba Štaba, kojom je naređeno JU Zavod za Hitnu medicinsku pomoć Kantona Sarajevo da odmah uputi dvije ekipu hitne medicinske pomoći na područje pogođeno poplavama i klizištima u Općini Jablanica i Gradu Konjicu.

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 18.10.2024. godine u 13:00 sati, od strane građanina, da je u ulici Drozgotmetva bb., Općina Hadžići, pronađen jedan nepoznati NUS.

O primljenoj informaciji obaviješteni su pripadnici Tima za UES Federalne uprave civilne zaštite, koji će pronađeno neeksplozivno ubojno sredstvo preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su jedno obezbjeđenje kulturnog događaja.

Općinski operativni centar civilne zaštite Stari Grad: Općinski štab civilne zaštite organizovao je 24-satno osmatranje terena na lokalitetima Curine njive i Bistrički potok u cilju ranog upozoravanja ugroženog stanovništva i njihove eventualne evakuacije.

Izlaskom na lice mjesta u više navrata u toku dana 18.10.2024. godine uočeno je da su na terenu i dalje prisutne duboke pukotine koje su u međuvremenu napunjene vodom te da dolazi do pojave oticanja vode iznad lokaliteta "Curine njive-igralište" (dio Općine Istočni Stari Grada Sarajevo).

Također je utvrđeno, da iznad dijela parcele igrališta na lokalitetu "Curine njive", a što predstavlja donju tačku nasipa/deponije od strane gradilišta "Hills" (sa lijeve strane), dolazi do pojava vode koja konstantno otječe, a ista ne predstavlja kišnicu ni oborinske vode sa Trebevića.

Na predmetnom lokalitetu ne izvode se radovi odlaganja nove količine zemljanog materijala.

Prema izjavama građana na lokalitetu Curinje njive dana 17.10.2024. godine obilazak terena izvršen je i od strane uposlenika Republičke uprave civilne zaštite RS.

Izlaskom na lice mjesta dana 18.10.2024.godine uočeno je da je i dalje djelimično zasuto korito Bistričkog potoka, materijalom sa deponije, obrušenim stablima te ranije isječenim stablima. Nisu uočena nova obrušavanja materijala sa deponije u vidu zemljano-kamenog materijala i stabala niti je uočeno da je vršeno uklanjanje ranije odloženog zemljano-kamenog materijala i stabala.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 13°C, vlažnost zraka 99%, barometarski pritisak 945,1 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a